

四庫全書

史部

欽定四庫全書

平定兩金川方畧

藝文三

平定兩金川詩

七言律詩三十首

內

閣

學

士臣 高貴

聖主龍飛萬國同
屢從閭外奏膚功
金甌奠處山河壯

玉燭調時教澤隆

虹罕遠連堤柳綠

雲旗遙映岸花紅春風著意添佳景滿眼韶華盡化

工

稽古巡方首岱宗婁區天遣鎮羣峰仙源曉聽泉
聲溢日觀朝晞旭影重

昭代特隆青社祀

熙朝不重紫泥封年來草樹光榮極五載

鑒輿樂又逢

螳臂偏矜鼎可扛遠煩虎旅下川江遙知一箭先

摧敵未築三城早受降
鐵騎星馳窺浩瀚
金戈日耀息紛厖又看

駿烈光千載方畧從來未有雙

上將提戈柄獨持
崎嶇峻坂馬先馳
旗開日月容何整
令肅風雲政不私
事出萬全非耀武
師行九伐為匡時
羽林倘賦從軍樂
鏡吹真應陋漢詞

蟻伏徒憑噉拉依
踏平寸壤又安歸
驚跳恰比魚遊釜
躑躅還同獸在圍
羽翼漸降囚玉帳
鯨鯢先

縛繫牙旗空教抱首思窮竄一炬無難羽扇揮

蓬瀛縹緲肅

宸居五夜遙傳報捷書磧上收軍纔掃穴山邊列騎快
擒渠韻流鼓吹青霓捲影絕機槍碧落虛從此邊
隅安保障長蛇封豕盡驅除

制勝原因稟

睿謨酬庸韓范預分符功從采芑詩中叙畫向凌煙閣

上摹騎卒拜

恩皆挾纊邊氓賈勇盡援桴六師到處同時雨欣覩沾
濡萬彙蘇

煙柳金堤嫩綠齊芳塍次第動耕犁久知士庶從
雲日況值闕山歇鼓輦萬里歡傳

丹鳳詔

九重疊下紫封泥綢繡瑞色從天降已有春風滿雪畦
典紀東巡二月諧迺諏吉日喜晴佳

璿宮早見宵衣切繡野欣逢

大輅輦風暖郵亭陳土俗露濃節屋決民懷侍臣共

仰

天顏悅偉績新銘刮耳佳

曉看山色曙煙開

雲闕先因展慶來雍肅

孝思光宇宙鬱葱佳氣仰崔嵬禮隆灌獻馨香格樂奏

蕭韶磬管催應有從臣歌樂只太平

天子調

陵迴

當年

聖祖沛深仁念切

貽謀俎豆陳每到山莊懷舊澤矧來

原廟肅明禋詩稱

繩武淵源合典重

重華奕葉新不顯即今傳遠畧分明青海又清塵

橋山宮闕護朝曛

聖主瞻依潔必芬惟十三年垂統緒縱千百載仰精勤
丕承

世德恢先業為報遐方集大勲錫福繁滋真未艾共瞻五
色藹春雲

南苑春濃節候溫

輦回祇肅拜晨昏大年早卜駢

慈祉率土重教沛

渥恩紫鳳高翔來

玉殿青鸞環舞掖

金根經行草木皆增寵
桐柏花明映遠村

春波漱滌動微瀾
鵲鴛鴦戲碧灘
遠隴參差催秀麥
遙行菴靄接崇蘭
光分繡幕晴煙霽
影弄簾鉤晚照殘
景物盡堪書上瑞
近邀

清眺待凭欄

永定河成水作關
西沽新漲碧灣環
昔年底定籌民利
今日時巡慰

聖顏珠樹燭熏麟鳳彩寶爐香熟鷓鴣斑銅溝此更繁
華甚試聽謳歌溢市關

士庶歡呼翠陌填海邦重幸迓

珠軒旌旗畫捲榴花影車蓋朝翻拂柳煙應喜采風
諧擊壤早看移俗絕懷磚

宸遊幾度經齊魯萬物同春祝有年

仰瞻東嶽鬱岵堯繹繹亭亭捧九霄青社頒春春
益麗碧霞介

壽壽偏饒神壇本與甌同固元極還借燭共調

帝宿宮齋容穆穆靜聽天際奏咸韶

泰岱迎庥叶泰交吉鷄青酒奠菁茅晴光近映青
璃瓦瑞色遙纏白玉均但祝

慈宮駢慶祉詎矜絕域奏歌饒鬢雲恰覆三花樹受福新

占晉二爻

達泉迴溯未辭勞早企宮牆數仞高文杏滋榮依

壁沼繡楣攢翠映

珠袍圍橋典重逾前烈鼓篋人來盡譽髦

聖德相承情更切好從黌序振靈叢

英武丕昭協止戈禮隆展慶聽鳴珂齊歸

聖教天無外載闡儒風海不波畿甸臨雍占暨訖泮林

釋奠仰休和好音已見飛鷄集不數從前寶鼎歌

萬國屏藩總一家欣瞻山左駐

鸞車兒童得意迎容衛鳥雀無心避鼓笳優老屢聞

頒粟帛勸農時見問桑麻雨暘常得休徵合到處

春開艷艷花

萱幃曉進萬年觴行慶承歡淑氣翔已掖青旂巡海甸載
看畫舸出林塘桑雲柳絮三春景鵲尾龍涎兩岸
香珍重

慈恩酬未得不教父老費壺漿

玉輅朝迴灑道清遙聞警蹕近瑤京百神受職寒暄
協萬姓騰歡鼓舞迎繡壤輯謠臚萬壽羽書陳捷
奏昇平共欣虎旅班師日恰護

龍旂入鳳城

錫澤無私慶輯寧

勞還恩許醉仙醺風消紫塞功誠捷露湛彤弓績可銘
世外有天皆砥屬寰中無地不儀型錦衣最羨從
征士脫劍何妨又執經

聖代寧聞險可憑遠煩聲討重膺懲偷生直欲同浮蟻
纓頂仍看似凍蠅

國憲不教希漏網軍威未許倖逃矰并蛙到海方知

大別部降王共戰兢

憶昨西陲定壯猷九州之外闢神州天山自古誰
鐫石月窟於今盡買牛舞稱花門稱小部歌同昧
樂採新謳興圖二萬收何捷從此風聲洽遠陬

聖化遙知異域欽遠人率屬盡歸心同踰毳幕闌山險
歷渡繩橋歲月侵勒烏園中欣

澤渥伊綿峪畔拜

恩深普陀快睹豐碑勒茵鶴紉牛紀獻琛

威德元來暨朔南獻俘鉅典舊曾諳天山真得將軍定
黎土何勞西伯戡邊外鷄聲清午夜中原鱗冊靖
丁男羽林小隊寬閒甚楊柳新隄正解驂澍雨調
風愜養恬遠宣

清問尚勞謙無邊景貺案中應不盡波光望外添賞罰
並能凝庶績豫遊惟以慰窮閭金泥此日銘功德
登五成三萬國瞻

微臣

草莽擁青山欲總衢謠賦大凡

德洽天人宜頌禱典隆今古費雕鐫欣看六合歸其極
喜見三苗格以誠敬撰蕪詞同夏諺五雲深處和

韶咸



平定兩金川詩 四言 謹序

翰林院侍讀學士 臣 褚廷璋

伏惟

皇帝陛下臨御中外

德威遠鬯闡赫武功平準夷定回部勲烈駿茂振古罕
儷迺者兩金川負阻抗命先後削平番境寧謐神
人咸喜

聖天子豈以彰榘伐侈聲靈哉其始也有不獲已之心

而加以兵征視昔西師費勩倍蓰至於

睿算指授用集膚功則一歸諸

天祐暨將師羣力穆乎不自居也金川舊屬我

朝土司乾隆戊辰討其叛乞降赦之越十年而其酋

卽卡構釁子索諾木濟惡以累世馮恃險阻蠶食羣

落繼與小金川僧格桑合併背約以逞

天子曰此釋弗治其曷以靖亂鳩安孱弱爰

命將選旅分道進討歲壬辰丑月克攢拉僧格桑竄服

冥誅乙未酉月破勒烏圍進擣噶拉依丙申卯月
克促浸索諾木及諸賊黨咸就俘獲兩金川悉平

上儀炳舉慶典麗洽

臣伏讀

御製告成碑文紀事詩什體大思精包舉翔實

盛烈

鴻章昭示萬古固不待詞臣揚厲而始著矧夫

淵衷密運為而不宰

臣

下謏陋之胷罕能窺仰惟是述

盛事抒舞蹈抑猶古之志也謹為四言詩一篇以

獻其詞曰

皇王區寓八荒在闔懷仁讐義靡阻靡抑迺有金川蜀
山屏蔽叶昔聞吐蕃屢恣狂獍遺種保居壘巢聚
窟濡沐

聖化土司職率隸以版圖襲以印紱環三雜谷飫南北
密蟻垤蜂房可籠可櫛逖波金方突厥回紇西屈
蔥嶺拓展月蝕

天戈指定罔有遐濶豈伊庸羌敢跳而倔始歲戊辰陸

梁肆軼興師征之振槁解節深入深阻番衆懇懷
樹領厥角降幡高揭我

皇曰吁武不可訖爾叛爾創爾服爾活爰貫爾臬振旅
天闕覆幬之寬浹以肌骨宜茲世世恩銜威怛掉棄戈
鋌靖息侵伐曾是十稔卽卡凶諄孤負

聖慈生成自絕擇肉而食磨牙四齧暴侮鄰封蠻徼流
血革布什咱釁構禍結丹壩是殘俄彼是奪頻擾
巴旺狼吞豨突增築碉櫓恃倚峨屹有子濟惡惟

索諾木

叶

野性弗馴逞肆桀黠謂我地險千仞昔

率謂我力勅短刃長鎗如梟而乳莫我能遏戕賊

叔擄風雨興孽謠唱維州生心疆裔

叶

彼僧格桑

水火判戾寇而婚媾倏忽膠漆鄂什攻圍左提右

絜疊吏遷延抗顏反噬

叶

皇迺赫怒宣示克詰渺爾陰塘撐臂當轍鋤薙頑梗罰

不可軼將軍受

詔兩路並發資哩西招達烏南越入僧格宗廟隍掃穴

師會美諾徇底木達繫彼老狐豎首遠逸乃定儻
拉招徠撫恤促浸負嵎屯擁醜類叶助逆容慝移
討其猾師偶弗戒綠營疲茶阿桂整衆申固軍律
遂

命定西專閫授鉞吉林索倫健銳火器叶料簡熊羆桓

桓伉伉揚我蜚弧歟我浴鐵壁壘變新士氣振厲

叶明亮佐之分道統師先聲敵愾咸憤所切美諾

復收曾不旬日谷噶馬尼轉戰橫截爭據要隘雷

轟電掣木溪灑進宜喜索甲

叶日旁以前至額爾

替叶環山夾河陸君波撒上將西路神施鞭扶羅

博湖普門戶斯缺喇穆山梁斗壁奇岫肉薄魚貫

趾頂摩憂取康薩爾注矢開豁一躍萬呼山谷摧

裂噶爾丹寺層碉毀撒昆色拉枯十剪六七直逼

勒圍擣虛撥竄

駕駐木蘭紅旗飛駟彼駸而冢技窮計屈尚思困鬪自

速爾滅西里下壓粉碎窵窵再剪索隆得建瓴勢

叶

周怯四圍根株斷抉搯吭拊背薰穴灌埵沟沟
內沸膽喪魄失彼有腹心潰散披靡睢盱泥
首駭怵彼有母姑昆弟親暱攜裹孩穉縶屬而出
如魚遊釜如鳥投網爾時河西河賊藪蕩刷襟獨
松篠卷介擬絨布一軍南路牽綴乘勝推朽傳檄
迅疾合圍噉依礮火震烈猶以死拒繼乃窘竭罪
既貫盈免狡奚脫懷門纍纍搏頰跼乞渠魁就俘
盡剗牙枿功歲五載

金匱要略
卷之四
宵旰密勿

睿謨廣運稟承

聖哲軍書刺閨

乙夜披閱用正間奇信賞必罰韜鈴機要指示纖悉每
飯不忘馳

諭尺一進無疎懈勝毋滿溢體予好生脅從毋殺頑獷
必鋤以怙良弱叶烽不晝驚戶不夜閑

皇曰欽哉

天庥彌劼念茲將士衝霧蒙雪石卡龍從冰崖仄滑身經
百戰奪勇咆勃將軍指麾大為洞徹并力一心乃
敏乃決宜策汝勲錫汝爵曰阿桂上公園龍繡纈
黃金之帶孔雀韞韞誠謀英勇首功罕匹曰豐昇
額繼勇貽厥明亮襄勇能事頑頤超類軼羣曰海
蘭察汝侯汝伯汝子世閑曰和隆武果勇晉列參
贊領隊男爵差埒業業

紫光圖畫珮蔽參與機政鼎立為傑夙夜宣勤前席

溫室並貌丹青流傳禩世叶四言續贊親御

丹筆五十闌尤蜚英騰茂叶其次遞掄行間精銳叶文

臣綴詞衍數載標論功行賞下逮裨末挾續投膠
鼓舞感悅丙申之歲以春二月告於

兩陵虔鞏祇通露布適至允符昭謁奉

皇太后東轡

巡蹕泰岱巖巖泗水滴滴獻功禮成歸數軍實杖杜勞
還鏡歌八百凱歌倚之中樂闐鼓吹鞀鞀聲動

轆轤

六龍躬迓于郊秩秩

家法永垂抱見接膝琤璫照耀貝冑犀札扈從雍容寵賚

天駟

叶

弨弓釀醴報宴是設都人聚觀夾陌填咽於

廟於

社俘囚獻單

御五鳳樓劍佩鳴嚶首亂者誅伏罪斧鑕修文偃武典

禮肅括載諏令辰五月初吉寅奉

徽稱寧豫歡洽叶慶賜遂行聿渙

綸綍蠲恤兵農裡祀茲勑免減累係咻噢耆耄晉級百

僚膠序秀茁詩陳多士錯落珠玉叶授簡自

天束帶束襪

湛恩鴻龐遐邇暨訖勒銘成均

天藻炳蔚功成弗居淮西比絜爰及裔壤穹碑截業

幾餘成吟詞事駭核婉西師詩光照卿霽方畧載墓中

外函壹桃關迢遙稽証史帙漢西南夷冉駹據割

唐宋威維州縣隸屬叶城建無憂邛龍山谷叶元

明以降羈縻疆索叶西通衛藏秉教釋佛宜可化

誨合掌菩薩云何貪嗔彼迷津筏我

皇威愴雕題窮髮不諛有証若破蟻虱我

皇慈覆并包百物靖爾蠻觸拯爾饑渴以安邊屯耕耨

雲鬱以鎮番徼亭障森萃叶移駐專閫永靖芽蘖

蠶業玉疊萬里又謚旁落畏懷不假嗔喝俯首內

面同軌受轄

聖人持盈寅乾益至叶休養生成元氣迴斡銷氛錫福

善建不拔臣作詩歌

武成是述

平定兩金川詩

七言古一百六十韻

翰林院侍讀學士

臣陸錫熊

維

天眷德

聖受命明堂執極臨樞璇寅承

謨烈守兼創率履

王道游平平大濛即叙越經宿蒲瀛葱嶽羅璆蟻濮鉛

祝栗訖

聲教矧有蠢類如猿挺金川阻絕當兩川谿幽箐密紛
鉤連西山八國押蕃若黑子影落天之邊丹駝白
狗或餘種夜郎浮竹灰重然姜維城頭舊守捉十
三部遠依峨犍桑門職貢紀寅化百衆狎恰隨幢
節土官底部闕族系參黠茫昧同飛翔突施黃黑
辨娑葛靡當大小分罕升嗟哉人面畜以獸
情覆久沐

恩膏偏三宣六慰鞏牙錯

王官受治無譙訐作都耕鑿盡版籍藥芽誰遣生蝨
蠅郎卡金川昔有釁恃險蘊毒潛吹扇豺聲蜂目
跡始露檜林棘路遭刊剝斯時澤旺聽穿鼻幽繫
阿惡何孤孱欲關呼籲連

天闕

赫斯一怒剛辰蠲孤豚出甯復汝土

恩逾骨肉蘇枯痛

黃鉞一下無所遁褫欺悅魄行趨趨遮塗扶服稽厥角

載頭乞命祈哀憐好生

聖德並

天

地祝網蕩滌除污愆

詔書尺一下幕府旗門頊張降殪

皇仁寬大貫汝斯期汝奉信綏疆埏豈知祝頂刻牂誓
兩面皮覆甘欺謾虺心未化倚窟害鷹眼欲絮離
絲鏃十年違順犯脣齒革布什咱驚爬揎綽斯甲

環三雜谷血口呀呷流腥涎碁分諸部各肝膽雞肋
不敵張方拳郎卡自斃剩遺育索諾木性彌臬鷗
屯糗繕壁計持久萬蟻一穴爭趨羶時聞竊出盜
種落水火日夜相熬煎

聖心并包擴

天度謂是何足勞爰鋌勤師遠涉非本願蠻觸之關奚
誅焉未妨玉斧畫大渡漫事湟陘遮先零爰

咨疊吏申約束祇令帖息歸牢圉籌邊閫外幸無事一

掌不塞流涓涓公然白晝跳踉舞磨牙蝕古心無
後彼僧格桑乃怨耦匪冠婚媾旋交怙西封規併
鄂克什闖達色拉圍其闔埋牲誦呪托修却經歲
屯結驅兇僕九頭夜嘯虎生翼百足晚聚變憐蛇
獬兒狂逞思反噬竟奮螳臂當輪輜

聖人曰嘻汝逆豎敢負卵育忘生全稀蛇肆食意無饜
坐格符徵如遺捐維州橋邊飲戎馬誰造此曲聲
流傳及今不剪生滋蔓何以輯安閭閻編用兵事

有不得已魑魅可使民逢旃六師奉

辭伐有罪堂堂建纛朱旂纏

天戈所指撥蒙翳巴朗拉曲先摧騫達圍資哩以次
定披胸抉脅知膚瘠達烏烏徑正虜豁鼗鼓遙應
聲齎齎由僧格宗破美諾半月直搗苛籬弦狡童
十步九顛蹶喙走站站追飛鳶舊巢復歸布朗郭
伏莽薙盡無薙薙羊腸詰曲穿美卧游魂假息還
蝸跼金川黨惡作逋藪閉匿不聽長繩然移師約

境剪角距雪山萬疊摩穹顛嘘空一昔起妖霧前
茅失逋功迴邇揚波書竹罪難罄憤懣氣結均靈
額定西將軍印如斗有

詔阿桂釐中權師仍西路更南路副以明亮分雙甄越
騰健銳嫻步伐索倫精甲思張拳大旗獵獵車間
闐其一敵萬徒七千將能將兵

帝將將敵愾一意金同堅仗飛騎士會秦隴射生衙校
徵黔滇賜支子弟亦制挺宿飽踴躍攜旃鉤重收

儼拉靖反側

握機鑒東珠囊懸形殊主客佇猜阻拾枿果不煩按捫
谷噉風雷齊阻陣緣溝一綫青塔裕五更軍聲聞
鵝鴨踏雪直進花吹絲埴岬馬尼亦斗絕盾孔脩
忽搖金蓮卡卡角嶺斷行迹捫參歷井飛空仙賊
鎗暗燄暗不發蠶叢闢道晴剗縣峯尖蔽廡羅博
瓦白羽沒苦開神彌紛紜困獸短兵接躡徑肉薄
靈姑騫先聲欲懾草木動砰訇競走豐隆鞭連山

金史卷一百一十五
零雨濕輜輶
兵早挽銀河
湔青尼盤盤
暫休卒
礮雲斷處
晴光穿睢盱
醜類尚死拒
危礮如織排
崆峒師徒
扣怒志吞賊
願肉為食皮
為羈將軍驛
奏稟

宸算絕傲

坐照猶堂筵
山川曲折運

神筆咫尺不
夾呈幾先
喇穆喇穆勢
繚互西峯
削肋難
梯鯁鬼神無
聲天宇黑
半空突擊來
題肩陸周日

則擘了口當喉一瞥金戈挺專車朽體遂輦送糝
糊暗辨殲牙鑿劍鋒旁指點格爾榮格敗擇隨風
旋蹴康薩爾塌重塹纔三晦朔銜發鏈木思工噉
唾掌得跂跂脈脈窮獼猿射沙躩跣防伺影遜克
後路清藪淵攬身飛騰捷超距昆色頃刻成焦燂
拉枯真比科上槁落星如雨鉛丸圓先時南軍北
改旆宜喜奪隘乘機便日旁左右並堙鏟折箠甲
索扔哇阡黃雲捲盡茹寨麥平坡一角開原田貌

金匱石經
猊萬竈夾水陣威築隱隱河西塢勒烏圍迺賊右
臂卽籠高下通闌郅意將堅壁支旦夕牆築羊馬
濠蜒蜒抵瑕擊實用奇計樹柵百道臨河沿轉經
樓接冷角寺透渡無復剗皮船鼃鼃暗踏橋柱圯
卧波忽斷長虹眠曳柴相排壓層礪布囊重疊量
沙填霹靂裂地出擊賊賊腦化作吹空煙月輪高
高夜正午太白吐角垂秋蹀危窠瞬息付煨燼灌
藁立散棲枝鷲我師乘勝更深入建瓴直走如奔

泉三峯插霄亘西里雲根百丈都盧緣索隆科布
布魯木一一震懾踣而偵朗阿古則朗噶克噶占
首尾紛糾聯縱橫踣藉無頓刃看取妖血銜刀鮮
雍中舍齊搜伏穀尻睢失處收衿咽青天白日不
照汝獮羝枉自祠神祆噶依圍暈合三匝常山蛇
勢環軀卷河魚腹爛中自潰襁負屬尻交躡踣母
姑已作猿在檻缺徒丐息芒生箔人熏鼠穴馬噉
尾噉汝殘喘安能延羅置高張飛走絕投命不斷

通宵難獨松馬邦趁節解幕危鼎沸誰援揮徇軍
瞎千方敵敵填隍智盛虛誕譚孤鄒本是砧俎物
詎比肉袒還羊牽開門蒲伏就司敗兄弟扶曳偕
挈遷擒生累累致戲下組以係頸索以攀將軍磨
盾草捷奏署日丙午書之牋上言一鼓下逆壘沔
瀕厥室夷為暝仰遵

朝指布威信悉撫誘脅收鯨鱣下言執訊獲戎首盡
族無一逃篝釜軍資器械別簿上謹奉露布飛輶

輶牙旗票姚紅一點馳逆八日來何遙遙通喜氣
一萬里桃花寺裏桃關前劃區別壤設鎮戍統師
管鑰持麾專角聲和平吹落日營門擊櫓連疆幘
巴歌渝舞大和會蘭干細布輸寶錢蠻童高卧放
牛馬燒畬到處催耕佃風雲戰地一回首但見疊
嶂青攬天恭惟五載紆

廟畫

宵旰纖悉勞茵羶

指揮貔貅一心力攀危涉岨忘胝胼軍儲轉運出

天府不破一秉民禾捐塗歌負載樂和顧

慈膏稠渥安糜餽

德音念我士勤苦月請時復加廩餼三軍雷動如挾纊

鬣濮感

澤詞謖連春臺和氣滿春棧靈苗沃野春阡阡

雷霆雨露備溫肅坐決

長策符筵蓐

武成震疊萬萬禩赫耀冒爽咸昭宣酬庸申

命史祝冊五等疏爵光昭蟬凌煙畫贊錫

奎翰如作彝鼎銘南緯

珠丘祇謁告

祖

宗仗引

御蓋擎鮮扁鸞旂在津

聖見

聖萬舞有繹陳嘉遽迎

釐岱頂奉

安輦天門日觀羣靈駢凱歸夾路聽柁鼓正及照眼榴花

妍黃新莊南張

御幄杖杜

親勞王師還

午門立仗受俘馘以獻

廟

社儀文虔

徽稱臚慶崇

璽

牒朔曦會午輝芝挺禮成

頒制坐

前殿

恩浹海寓覃蚺蛸辟廂豐碑屹丈五虬蟠鳳翥

毫如椽磨崖

製作照荒裔永鎮輦俗丹青鐫羣臣晉頌

上功德敬奉

聖壽彌億年持盈保泰仰

冲音猶凜名

惕朝乾乾

小臣

橐管職記注戴

高遊

聖詞難詮萬分究一揆典實不數常武周詩篇

平定兩金川方畧

欽定四庫全書

史部

平定兩金川方略藝文

員外郎臣顧宗泰覆勘

總校官原任侍講臣王燕緒

欽定四庫全書

平定兩金川方略

藝文四

平定兩金川詩

七言律詩十二首

司

經

局

沈

馬

臣

夢

吉

臣聞立極統元之聖授圖益地之君或制五兵或

張九伐蓋無弱攻昧訖聲教之大同禁暴戢凶佐

雍熙之至治皆秉如神之智本至仁之心如權重

輕不爽銖黍如度長短不失毫釐運籌帷幄之中
置民衽席之上折衝萬里亭育八埏廓清荒戎光
宅寓縣協神明之幽贊成上下之交乎前典攸稽
于今為烈欽惟我

皇上仁恩丕冒義聞宣照化澤浹於遐方謳歌遍於寰宇
南諧北暨西被東漸準夷回部遠隔流沙一舉剪
滅土爾扈特僻處絕幕重譯來庭凡有心知血氣
莫不尊親至於鳥獸草木罔不咸若迺金川逆酋

索諾木僧格桑等豺獍濟惡狼狽為奸敢背

深恩自干

天討始而穴中私鬪觸蠻姑聽其紛紜繼且化外憑陵
蛇豕竟思夫洊食

皇上深惟國體適求厥寧

簡大將以專征選伙飛于七年惡木務去悉拔根株蔓
草難滋不留萌蘖

神謨決策坐收示掌之功

睿算披圖悉仰發蹤之効

特命將軍阿桂等遙趨西路直搗中堅收要害於扼吭
指鬲驛而導窾副將軍明亮豐昇額等偏師犄角
列校衝心左拒右盪內訌外擊諸臣稟承

方畧仰藉

天威揚黃鉞以除殘勢同山岳麾靈旂而敵愾氣挾風
雲干盾行來峻失祈之之嶺櫓槍掃處險無卑耳
之溪雖復束馬懸車疑臨無地俄而麗魚拔幟驚

降自天先聲奪于搗虛勝算恢于游刃擇利而動
既乘破竹之機轉戰無前遂得建瓴之勢俘昱禹
以釁鼓績奏崇朝絜鬼章於檻車捷無虛月美諾
遙破僧格桑走伏冥誅促浸全平索諾木坐成生
縛長鯨既得巢穴一空封豕載擒胎馘皆覆從此
旄牛並塞永無烽火之虞邛笮諸蠻聞靜驚屯之
吹皆賴

聖謨廣運動不失時故得

大武觀成戎昭致果累累曳帛胥曩霄贊普之渠一一
訊因並利豆迷桑之醜

皇上博稽懿典

親舉隆儀

告集勲於

橋陵展受成於

闕里

岱宗望秩

迴鑾輅以勞師

廟

社獻俘

御鳳樓而

頒詔敬崇

尊號歸福

慈寧疊沛

恩膏臚歡海寓

臣

職司簪筆欣覩橐戈拊舞難名諭揚

莫罄敬陳長句冀叶奏於宣鏡俯愧小言庶竭忱
於窺管

殊域宣威奏蕩平

聖謨遠屆武功成風和雪嶺春消燧雨洒桃關夜洗兵
通道昔年徠貢馬受傳今日獲長鯨從茲坤甸徹都
無險萬里提封接塞城

借箸前籌集百工天開偉畧日

宸衷七旬階羽書空紀六月戎車事不同鐵騎雲屯驟

禁壯牙旗電掣奏膚公莫言僻遠要荒外總在

皇綱咫尺中

醜類寧容恣蔓延師中

錫命

睿謀全輻矜密授元臣畧節制遙伸大將權刁斗森嚴

開玉帳羽林鼓舞簇金鞭

克心豈樂陳丹浦但掃塵氛靖塞壩

有征無戰是

欽定四庫全書

平定兩金川方略

五

王師獬犬何當負

主慈嘿啜漸亡唇齒國郵支翻效爪牙資乞身頓顙來

何暮坐井跳梁悔已遲堪笑野心真反側長纓今

日靖邊陲

柳枝遙映錦江春都護宣威

詔重臣挾纊飲醪仲士氣纖橦種芋荷

皇仁鼓輦已壯軍中樂衽席胥登徼外民雪棧天梯通

絕險路平如掌接峨岷

維州橋外六千程八日飛傳露版行

聖主上

陵方駐蹕令辰奏捷恰抒誠蒿呼劍佩趨

雙闕樂譜簫韶合九成朱鷺頌傳人愷藥萬方提福
是歡聲

高山仰止見美牆講道修文典禮詳崇

聖更思瞻

闕里安民適際定遐方心探洙泗淵源合堂啟金絲

組豆光溪祇獻功歌在泮

鸞旗直繞杏壇旁

黃屋光臨自九天將軍颺拜

至尊前芙蓉小隊閒排甲楊柳新堤緩著鞭鼙鼓記程

鼓鼓樂鐵衣出塞錦衣旋凌烟圖畫兼

題讚千載榮施播簡編

訊囚大獻衆如林底定還勞

聖慮深肅藉明裡揚

祖德勤將寅畏答

天心

推恩九服光圖史歸善

慈闈冠古今舞勺歌雍追盛事功成雅奏紀元音

羣疑獨斷事如神

睿算先幾運

玉宸雪棧迎曦銷祿蠶參墟旋斗會星辰春喉已獲專
車骨釁社先擒繫組身最是除殘解愠候和風玉

壘遍陽春

湛恩汪濊釀休和

大禮光昭慶止戈虎旅一行清徽塞龍韜萬里靖關河

齊歸

文教天無外盡稟

聲靈海不波更聽唐鼓譜新樂軍中同唱白狼歌

扶輿

聖化洽羣生薰軫吹和遍八瀛不用披圖橫玉斧盡收

絕域作金城山川一氣歸

仁壽雲物千年紀

治平抃舞

小臣

同擊壤愧將歌頌佐咸英

欽定四庫全書



三才圖會

卷

平定兩金川詩七言律三十首

翰林院編修臣吳壽昌

圖陳益地軌文同綏靖先憑

睿畧雄黃鉞示威馳徼外雕弧懸象朗天中
糾邦法並詳司馬戰野師原數有熊今日蠻
髦昭底定劍長何止倚崆峒

玉節金鉦下

九重當陽

聖主御飛龍直教荒域咸歸版肯使邊庭暫舉烽濛海
多年寬夜戍花開是處樂春農天西二萬開疆後
更集鴻勛慶再逢

西望迢迢泝蜀江金川畫土隸中邦頒符夙許稱
安撫通道何曾隔冉駝豈謂夜郎旋自大尚傳日
逐未全降欣逢北燮南諧盛不久荒籬息伏虜
蝸角交爭釁易滋久干聲討動

王師受降金甲勞前度起旅牙璋記昔時功在銘鏞師

武力法寬弛呂

聖恩慈軀羈生後猙獰甚輦鼓重聽將帥思

諸蕃牙錯壤相依倣擾無端約法違猩狒笑啼蹤
莫定已渝歌舞俗全非尋戈屢報戕鄰部出柙惟
聞構禍機扶弱抑強

天子志旄牛徼外羽書飛

羈縻州設是唐世殘滅原非

帝意初單騎果傳回紇帳百蠻應奏尉佗書好音畢竟

誰知革非種由來不畏鋤要隘堅礪莽林立疆臣
鎮撫近何如

恩深雨露竟全孤旅拒顏行熾異圖自得繫援階更屬
相依唇齒數同逋魅形早入軒轅鑑妖羽難逃哲
簇弧蠢爾披猖播謠諺維州橋畔得窺無參旗井
鉞隊俱齊三尺初勞上將提迎陣雲生嚴道外洗
兵雨過漏江西便教鬼膽先驚破寧許

天誅或久稽此日前驅臨大渡應嗤斧畫簋全低

先指靈旗出

帝階障高力遣五丁排謀深剪蔓圖宜早勢擅摧枯往
自諧鬪垤已除床畔螳窺天真笑井中蛙試看美
諾旋犁入臬取封狼置藁街

虺蜴潛形伏草萊高牙移駐尚徘徊蜚廉善走身
先寬頡利相援騎忽來事比東隅容暫失軍如細
柳信難摧和門計日聞還定嘯狖蹄鵲莫漫猜
貫盈反噬討重申改授元帥誓虎臣封豕豈令窺

上國短狐枉欲噬遊人倍嚴刁斗非常肅別樹旌
旗變色新急斬樓蘭圖報

主射聲勁旅盡忠純

琯戈麾日劍凌雲萬帳貔貅集勝軍敵氣盡看騰
壯氣會朝旋報斂游氛指揮令假中權握捥角形
兼兩翼分反側再收親進搃先期準擬奏宗勳
天成重阻限平原絕磴懸崖手莫捫嶺雪未冬已
已積林篁當午日猶昏玉門闕險徒虛語銅柱標

遐詎並論

九伐何容寬負固等閒相看作櫛樊

將將崇弁授鉞壇

廟謨密運

聖心殫官占預卜師貞吉樂府誰歌蜀道難問罪聲偕
金鼓震成山米聚

殿廷看岷峨萬里通噓吸一騎飛塵控夜閑

龍蛇列陣勢迴環蹴踏偏于烏道山拔幟呈能來

七萃荷戈效順見諸蠻平添斥堠周防地不盡芻
糧絡繹間如此飽騰新士馬阿誰憑阻說當關
谷噉西橫馬首前崎嶇康薩斷還連峯餘踰掌千
尋削地到鉤心一綫穿磨壘每憑風雨連舞梯多
在雪霜天相持經歲欣攻克遜克宗元守最堅
尸呈疏屬計無聊為懾威聲等沃蕉棄甲縱猶遲
面縛懸旌已自劇心搖千軍橫掃無堅壘百計兼
攻見詰朝記取勒園清舊窟素商秋半月圓霄

獨松隔水聽鳴鷗絨布通時抵近巢諸道揚鑿經
索度一時破竹及鋒交兵如回曲驅馳疾陣應常
山首尾包送喜頻稱傳檄定論功第一在前茅
坎穴窮搜孰計勞

天兵四面已周遭渡河屢看收馴象橫海爭期斷巨螯
合隊魚麗隨岸濶排空鶴列入雲高定知飛走俱
無路噶拉依空守護牢

飛礮雷礮紫焰多轟摧炭炭窟么膺奪關只待傳

三鼓去塞何由遁六羸延喘勢難憑險惡就禽時
恰應中和

皇威到此真丕鬯蒲伏軍門盡側戈

窮酋尺組頸交加梯棧鈎連走傳車作霧蚩尤甘
裂髀血人劉闢漫磨牙羣空豺虎腥風息樹散虬
蜉醜類譁想見邊岷觀掃蕩香醪準備有家家
丹旌一片迅飛黃電激星馳向

上方到日風光傳焚火度來江水是平羗全節板楯收

甌脫正詣

珠丘望鬱蒼鄭重凝府復揚烈

屬車聞喜

五雲榜

晨披銀匱夜論兵五載機宜

睿斷成非是

帷中操勝算可能聞外重橫行自天快覩樞鈴朗奮地
如聞鼓角鳴應識

宸衷寧得已六師祇為不庭征

在頻功宜告教寧

素王居近金門庭特從

東狩申尊禮殊為西征震濯靈蜀賦漫誇珍藟醬漢烽
永報熄堦零雍容偃武修文會釋奠隆儀邁上丁
躬掖

安輿頌日升天門遙睇最高層封巖本陋云亭禪紀歲常

欣章部增壽宇介釐開玉策

徽音歸善麗金繩

慈寧普錫蒼生福嘉會千秋覩未曾

獻俘

廟社煥宏猷蟻肝蠅肱不暫留渠血畢來誰漏網神人胥
忭為同仇塵消紫陌翔駕侶雲護

黃衣

御鳳樓

萬歲聲中徵吉語保寧城木號無憂

金史卷之八
勞延臺迫暢

宸襟飲至榮霑玉醴斟五等遞班周爵貴長歌同入漢
闕深錦衣顏色圖磨閣

赤輅郊圻肅羽林夾道薊門楊柳綠歸韉次第趁芳
陰

烏鼠驅除穴徧探釐成樂土勸耕蠶屯留校尉千
秋利騎過嫖姚百戰酣不動星躔分井鬼最高驛
路置西南懸知蕃落清寧後雅雨黎風分外甘

親裁凱唱壯珠鈴

睿藻欽將

天筆兼紀石首從蠻序內磨崖遙上翠峯尖燕然舊勒
功徒侈劍閣遺銘義並嚴何似窮碑萬年壽星輝
日麗聳觀瞻

明堂坐治賀登咸

詔下雲端木鳳銜

闡澤更傳覃海宇

校威早已掃天機
衛尊徧妖徵
同樂階羽長馴感至誠

蠡管小臣叨載筆
竊攄揚頌附琅函

平定兩金川詩

柏梁體一百五十韻
謹序

翰林院編修臣平恕

皇帝四十有一載二月丙午定西將軍臣阿桂攻克噶
拉衣禽促浸逆渠索諾木盡俘厥族屬醜黨檻車
以獻甲寅捷音達

行幄先三日

上以六師已蕩平窺境合為其巢大功旦夕迅歲訓是

日謁告

兩陵沕穆對越乎應如響蓋禮成而露布至也

上寅承

右序懋集

慈釐祗翼

安輿行慶東土迓

純嘏於泰岱告膚勲於泮林四月戊辰旋

蹕竟郊將軍阿桂振旅如期至

勞還策功五月元日崇上

皇太后

徽號上儀鉅典次第畢舉寰寓大權

臣

竊聞古者幅員隘

狹鼓濮徵盧巴楚西南棄之荒服不及以致我

朝統馭埏紘大平太蒙莫不臣僕矧金川近隸蜀徼世

受職號以蕃育種類此不得以古荒服例也戊辰

之役開網祝禽不悔于厥心恃強雪鄰革布戕號

什圍諸土司顛蹙沸攘靡有寧日顓首樹額籲告

近闕此不得以遠夷弗救也不訓而征

金史卷之八
天子弗為令守土吏開諭福禍俾無終迷迄用弗悛妖
言繁興包藏孔姦此不得以叢爾弗剪也昔三苗
饗飧居於洞庭既格既叙終弗用靈堯舜兩征遏
絕矧金川既逆實倍苗頑者然其積險勞角一二
仄經永雪綠營諸軍懦弗勝任賴我

皇上迅發勁旅百戰摧堅卒申

天討夫鋪張功業鏗匭炳耀雅詩尚矣然地既在淮徐
太原之近又非能掃穴俘渠其時王者未嘗制因

外惟資力於師武臣調給軍食皆出井賦今萬里之外數路並進赴機決勝悉稟

朝謨璽書指授不逾晷刻餽餉七千餘萬發自司農轉運之夫厚其賜而均其勞川峽之民宴然不知兵之在其徼也而給復緩征之

詔頻歲亟下內至置郵州邑咸沛

殊恩夫以戢暴求寧不得已用師如彼

神武睿畧視民如傷又如此雨露之所濡風霆之所震

因材稱物其運如天故廣無不覆明無不燭威無不
不伸德無不徧後天奉若而先天弗違三五以來
未可較績而絜功也臣竊效窺管作詩百五十韻
仰紀

豐功駿烈于萬一其詞曰

帝宅六合開胚渾提挈綱紐旅乾坤春雷震震杲日暄
孰敢不順逞桀蹠既梟郅支斲大宛條支西去連
犂軒二萬餘里窮崑崙舉如長風振羽揮世世職

貢來猶琨金川醜孽浮竹孫僭拉促浸兩穴鯉遠
連衛藏近劍門鳥道繼絕菁棘芑干欄上據如拖
洄度愁猗猗俯鵠鷄跳踉負阻常喑喑在歲戊辰
兵厯垣搏額乞命涕泗浹

帝心好生憫建寧班師不復窮排報不輸實賸安犁犍
肯閱十載竟負

恩封狼貍羆性詐譖有毒必螫如蛇虺革布綽斯襍谷
番我土司地軌併吞血牙雪齧恣嚼銀僭拉效尤

金史卷八十五
門劇播鄂什被困號涕喧

帝謂蠻觸何足論命疆吏往諭以言文告既殫彼益昏
乃與促浸同棄怨合成狼狽為媾婚向我戍卒蠻
弧張內窺維州恣睢暖

帝用赫怒馳輕輓滇池一旅來捷輓巴朗資哩舉撇撇
兩路夾擊美諾燭賊酋走死求繫援促浸藪惡臂
拒報移師並勦深戈鏞雪花如席水膠輶天欲稔
惡絕厥昆間道逸出突猥豚元戎受

命新矜懽健銳火器齊揀掄吉林索倫皆諸賁飛龍出
廢絳雪敵七千虎旅雲峯屯義勇奮激風雷燉曾
不決旬榻其藩宜喜絨布四扶捷西路深入窮追
奔礮崖絕壑千重嶽瞭然聚米知委源雲端有路
綫一痕從天瞥下驚飛騫儵忽攻心戈戟繁左屠
右翦抽雙鞭後隊轉旆清匿貍如鳥折翼猴無臂
據高瓴向屋上翻河西時亦收樹墩隔河兩軍聲
勢煇沿河獵獵麾排帑下瞰勒圍如井眚拉枯昆

色角觝觿赤虬飛掣風火庀上狂谷狼烟燉溷層
層進破深藏蹲中秋月滿黃金盃夜中大呼躍騶
駟賊驚自潰蹶且趕遂空一窟搜崖垠城砦六十
紛邱堵一夕掃蕩煩箒筭提師直進追兔爰索隆
科布高嶠嶠突驤駿騎駒駼駼一矢未發先號猿
雍中舍齊菴羅園乘勝驅逐如羴羴噉拉依巢賊
本根逆酋縮身潛喘暖密圍進築斷走塞渴無水
漿鐵無餽槃瓠沈木有母梟面縛先至何連舛釜

中徒泣銜索魂逆天驅使一阱存俾我盡縛駢肩
跟河西亦復兵不煩降勦既畢皮作輪渡河來會
旗翻反火攻週遭龍蜷蜿霹靂下擊紫焰昏樓傾
柵摧戶液構貫盈那得逃焚崑有聲終夜呼降謹
凌晨幕府開雙轅稜劍戟朱旗輝奇鷁九首毛一
羽髡率厥九嬰及九鯤文身穿耳布母縛帕腹噉
脚赤屬韃千羣戢戢頭如鼃匍匐乞免膏釜甌檻
車連軫施轅輻一一組繫獻

陞聞是時

東陵方值膳昭然

靈祐通紛緼一騎騰踏紅旗繡遂詣

闕里薦藻繁百神羣祀馳琮璫掖

輦行慶敷春溫敬祝

神策週太元

回鑾仍過桐柏村芳效麥秋浪沄沄

郊臺錯采明丹韞黃麾大纛絳引旂鏡歌導引笳簫言

朝簪肅寺鸞與鵷

袞龍上照扶桑暎閒閒殷殷聞旋輶將軍金甲紫授鯨虎

拜稽首

恩便蕃

帝嘉元功盛典惇下逮將士賞陪敦逾百金鎰千錦純
徽稱十八鐫珍璫歸善敬以天下

尊勤文鴻都宴見鹽獻俘

闕下褚衣禪葦街庸雪羣蕃寬嗟爾遺臭如蜚螫不

金史卷之八
及助順蕃婦媛羊牛千百無壺飧攜師待命靡彈
咺務滋務盡分莠孽仰惟

天策操帝軒薄伐陋彼周師原遂立巨鎮開耕稼芟滌
腥穢升馨曆發明歸昌鷄鵲鸛玉團錦氎波斯磬
梯航謾譯來誼誼小臣作詩擬雅墳蕩蕩莫繪天
昆侖

平定兩金川方畧

欽定四庫全書

平定兩金川方略

藝文五

平定兩金川詩

五言律詩三十首

翰林

院

修

撰臣黃

軒

羨貺均區寓重熙

景祚融輿圖封濬外治象

化神中

帝瑟超淳古

王鉄仰俊隆羣生胥在宥懷畏萬邦同

仁者師無敵西陲昔紀

庸星歸源閭戶月竈闢提封沃衍南東敵賓將大小共

陋他銘絕域釁鼓說溫禺

蠢爾金川族羈縻朔冉駝險堪營窟宅貪不務耕

糴肆毒逾分壤求寧企

大邦記曾貔虎隊擊楫下岷江

妖鳥殲形日枯魚乞命時壇焚香艾蒹表譯語侏
儻嶺雪融蠻壘春星堰將旗

好生

天並育一面

沛恩施

濟惡苞生藁侵尋六事違頓忘心腹潰偏恃齒唇
依構釁邊氛煽交章驛騎飛日中知必焚

廟算燭先幾

逐逐爭原慣閑閑戰尚徐蟻紛看關垓蛙怒聽潛
渠黑子微范甚

王師戒厲餘但蒙

威是畏忍便事誅鋤

雨露深如許無知自速辜輕生甘拒轍却顧怯彎
弧伎倆試啜彼顏行轉抗吾維州誼語在肯使蔓

難圖

文告終無悟

龔行罰詎稽羽幢颺雪外河鼓爛天西蔽野聲容壯連
營步伐齊勗哉期用命庶以慰雲霓

先務籌彌急儲胥繫

睿懷民無徵粟擾饗早計程排挾鱗銘

恩切投醪作氣皆飽騰真有象底復數平淮

詰曲桃關路戎車動地來塵清風捲葉令肅夜銜
枚絕壁起騰入危礮次第摧先聲人早奪鼉鼓震
如雷

宵警烽俄報重瞻壁壘新元戎膺

寵寄

禁旅

勅精掄敵愾烝徒奮同仇指臂親堂堂分兩路荼火耀

邊垠

祕竿瑤鈴握郵函赤羽紛纈微窮萬里感激到三軍歷

歷壺間漏遲遲檻外曛千餘溫寶樹

宵旰識

精勤

五日旋收復雄師美諾屯踪纔冰際遁窟但草間
存突利聲先警僑如勢莫援依人矜得計烈烈待
焚崑

鼠穴搜逾密蠶叢闢漸寬千尋巖雪滑一線陣雲
盤蠹向深林轉營從要隘安先登齊鼓勇蜀道未
知難

夜半長歌入豐隆震四山此中真據險今夕孰當

關秣馬方餘怒投戈暫解顏勒圍圍已潰月色朗
銀灣

望捷

宸衷切軍書一騎遄秋高紛瑞靄戰苦荷

慈憐益勗師臣力還期吉語綿凱歌瞻

聖藻露灑墨華鮮

拔幟臨孤壘桓桓勇倍超猱升騰烈燄隼下擊衝
颼網已連雲布氛旋計日消一枝何處見安穩羨

鷓鴣

夾岸傳鈴擿風馳兩翼交攻心資上將協力接前
茅畫角聲如荅靈旗隊不消鉤衝環四面踴躍看
傾巢

死守終何益周防水陸勞魂驚疏勒縛計困谷蠡
逃盡族駢肩伏連羣仰首號五年功竟蕨荒服炳
龍韜

賞以酬庸懋

金匱要略
三霄泥露多躬桓延奕葉章服

錫殊科喜氣盈鵷鷺

恩言逮鵲驚勸忠昭

至意陳力敢蹉跎

叩焚皆戎索籌邊

聖意加分符資鎮撫綏遠列軍牙九野辰居所中央

斗運車從教耕鑿溥荒徼足桑麻

翠蓋籠晴旭

橋山氣鬱蒼率由思

祖烈丕應迓

天慶捷奏飛騰至歡聲雜沓揚

萱闡還送喜

懿福被無疆

嶽色連齊魯仙源

振

輦行云亭紛聳秀松柏亦含貞探筴綿

慈算呼嵩效頌聲
弧南翹首望瑞彩
壓欂櫨

釋奠昭隆禮心源在六經

鸞旂光壁沼絲竹度風樞
偃武

功宜獻敷文

德更馨好音鴉食甚飛集泮林青

芳郊迴

罕蹕臺為

勞還登橐載從茲始疆場紀爾能征袍和露卸凱唱倚

雲騰瞻就輿情愜懽誼徹

玉繩

律應薰風宅時敷

介福稠承

顏調潔繕捧

冊鏤精璆

壽宇恢重譯

徽稱倍九疇鉤鈐天際朗

孝治古無侔

廟

社俘初獻

龍樓日馭臨神人攄宿憤刑賞厯羣心匝域歸誠切環

瀛被

澤深

皇衷彌惕厲

天命凜難諶

憶昔膚公奏丹青畫史諳閣看圖更續姿想戰逾
酣稽古其官百論功不朽三凌烟休擅美

帝用勸朝簪

琬琰昭來許

天章德藝兼

大文垂郁郁凡響總詹詹游至

威占震平施吉筮謙星陳逢

聖世奎壁亘西崦

會歸

皇極建

至治萬民誠祇覺

天同覆奚勞郡置監寒芒韜玉弩

祕笈燦琅函頌

德慙窺管濡毫拜手咸

平定兩金川詩

四言

謹序

翰

林

院

編

修

臣

李堯棟

臣
伏見

皇帝陛下聖神文武燾育函夏罔不率俾既平伊犁戡
回部大宛左右奔走警服咸願為臣僕元戈既偃
景福畢備遐稽大庭昊英合雒循蜚之紀莫得而
比隆焉蠢爾兩金川以我內地土司介居衛藏之
間負固阻兵侵其番落曩歲戊辰之役促浸獻言

節春秋吏惟謹

皇帝以好生之德未即咸劉用是赦而弗誅歲與款塞
蛾伏為內臣顧暗懷封豕之心背

朝廷宥過赦罪之仁僭拉首禍睥睨闕沈自即于丕
刑促浸餘孽罔悛黨凶助惡羣羌躋足顯頌乞援
皇帝赫怒于征簡羽林之勁兵任壯猷之方叔三道分
軍采入其阻再舉再克堅城洞摧賊酋歸命無所
羣竄于噶拉依四十一年二月丙午定西大將軍

阿桂拔克之縛索諾木及其母兄餘醜二千餘人
越八日甲寅捷書上

聞金川平先期

上祇謁

兩陵大告武成欽柴羣望百禮具舉乃遵

御苑旋奉

皇太后大安興升中名山祝

釐行慶修在泮告功之典

金史卷一百一十五
回蹕次於近郊殿殿闐闐

王師大凱後舞前歌

皇帝嘉相度之元功憐吉甫之永久

郊勞飲至論功行賞

頒詔中外渙汗匝洽沐浴膏澤罔不樂胥于是崇上

慈徽純禧鴻號懿鑠景奕德婉于義軒勲茂于黃虞臣惟

古者三年克鬼方六月伐獫狁言王者詰戎兵以綏安絕幕也至若常武江漢諸詩鋪敷張皇然皆

近在邇服試由古者景員褊狹旬畿以外即要服
置之豈如我

皇帝默運神武六合之外折筭以使者哉顧金川叢爾
小醜本非徼外之域以視前者西陲

耆武威行絕漠廣輪萬宇奚啻倍蓰然其山川險隔叢
積雪霜唯

一人指授方畧璣鏡在胷勝算先期萬里如掌將軍阿
桂寅奉

廟謨推堅入險用克底於成功誠哉暴銷萌皇哉偃武
之隆軌也昔唐平劉闢韓愈作元和聖德詩臣載
筆翰林以陳詩為職業謹效其體作四言詩一篇
自知于

膚勛駿烈無當萬一至于指事實書其何敢後其詩曰
皇帝御宇德與天絜四十一年八荒寧謐方載圓燾至
海外截獷俗歸仁荒憬咸覲惟兩金川逋誅餘孽
伏莽蟲沙野心驅禦賴我如天以存以活世授土

司家陪許列條睎眴眴恒凶而譎昔歲戊辰首鼠
效竊六師騰驤搗其窟竄賊蹙而降稽首流血芟
草軍門長纓請紕

皇帝曰吁是曷足滅苟附而安則不盡殺汝逆而誅汝
順而輟以難以獨汝則勿即貫其藁街勿離甌脫
恩柔于肌瘼號反齧曾不廿年而踵前轍曰僧格
桑梗頑自絕曰索諾木犬牙境接若鷄連棲恃危
三穴匪寇婚媾厥惟蛩螋胡甌爾居九嬰煽逆鄂

什連兵革夷侵軋九姓土司虔劉慄慄灼爛沸炎
環顧孔眙匡人擇人撫之弗恤

皇帝曰吁嗟彼蠻觸守在四夷撫如近闔命疆吏往奚
煩予撻諭以禍福若詔孳瞎匪招斯徠益狂而訐
遂戕明正眈眈眼眈維州之誣訛言孔諄

皇帝曰吁怙亂必遏咨汝西人苦其侵奪同予赤子聽
其殘饕再赦再逆今其誅必出師征之始歲單闕
明年資里兩軍齊秣遂定美諾先收一窟頓久圍

長淹畧奏績陰謀厥圖降番肆趺當噶軍嚴莫我
敢批

帝曰阿桂其奚汝克晴陽大纛定西授鉞明亮副帥及
豐昇額各奏汝功三方並發吉林健銳孔武倡倡
咸敵所愾士怒伊勒七千其侶雲屯電掣跨隴越
秦指顧倏忽壁壘重新旌旗改色官寨重收一鼓
而掇殛其雄虺大憖進伐戴頭而竿羌惶恐啞劍
外孱顏雪山巖嶠鳥道鉤援千盤坂折礎乎駸駸

嵌兮曲岬日輪騰翥此馬回轆束馬絙梯厓口一
髮翼不及張足無滿跡將軍一麾上擊下礮糾糾
欽飛獠趨輕捷短衣控弦袒驤陟越鑿混沌胚天
荒鏡挾既克羅博爰略康薩攻出九地從天恍惚
臨遜克宗脣亡羽鏃日旁五十長驅無拂七百梯
攻飛礮如櫛兩軍夾河鳴笳互徹月滿秋宵長空
掃蜺遂克勒圍排戶直入奮策前驅賊走且噓墮
壑落澗爬掌跋鼉左角右角中權頑頑于山于川

陽開陰閉圍噶拉依本根是撥天兵四羅周陸孔
密如彼東瀛用注螳埵轟霆環激直上烈烈天風
助火石鍛欲裂白爛朱炘雪礮拉獵谷駢山空晝
焉盡圻水堙其源路窮飛沒若獸落踣原搜數剔
一阱千羣縛之如牽執其渠魁醜靡有了尺組在
脰俘械送疾金川底平歲凡五閱

皇帝告功諏二月吉

珠阜東西升薌

太室葆鸞十二萃萃繹繹雷動天行于郊省岱龍文首塗
葩璠獵狎至于

岱宗嶽祇歆必告成于學橋門永勒振旅歸來執鉞
秉律除于國南

六飛駐蹕皇旄大武鏡歌闐溢

皇帝曰俞師武臣力釐瓚酬庸庚庚霞壁建於上公孔
鸞赤韞凡此武功

聖謨密勿

皇帝勿有緝熙默契曰惟

天

祖景貺是式昭事凝承百神咸秩

皇帝歸善

慈寧豫悅

徽稱上儀精璆慶裔

皇帝行健寅恭淵默持勝以謙益懋乾惕既平金川天
下隆郵亭之育之物無鬱怫薄海日出左言重譯

同我太平固有遠通刻

銘大荒豐碑高業皇矣

天聲爭吟獵碣隆禮蕃蕃功宏慶洽

小臣

作詩敬紀本

末書

皇帝德與日月揭

平定兩金川詩

柏梁體一百六十韻

翰林院編修臣陳崇本

聖人撫有天下人聲教廣被無垓垠東觀扶桑旭日暎
西臨弱水餘波渾朔南萬國稱下藩車書一統

王道遵職貢歲歲歸中原譬諸仰流集衆鱗誰其桀驚
敢不馴金川醜類思并吞促浸僭拉大小分以大
鑿小葉飼蠹抵爭蠻觸逞頑姦邊吏來告撻伐申
我師其西經已岷先聲所屆賊膽寒螳臂何足當

車輪陰弓枉矢庭氏攀九頭一射妖鳥奔鴟音不
革求右援索諾木懼齒亡唇始以仇敵終締姻罔
兩逐隊白日昏旌門夜半迷游氛罪大惡極不可
原前茅再整昭劉虔

帝曰汝桂其將軍鷹揚虎賁悉近臣師出以律賞罰均
我車既攻我馬閑我糧我糗高邱山旗幟罕纛旒
旆旃召矛盾戟刀槩鋌蹴踏萬馬聲阗闐山梁險
滑無路扳賊如蟻附如螯緣千尋矗立青巒岼安

能飛度蠶叢巔將軍勝算祕不宣羽書密奏

帝曰然分合當古兵家言出奇兩路威令伸芒浮太白
握星躔八卦之碁孤入雲路頂宗徑蛇蜿蜒我師
騰蹕爭上竿前後臂趾相勾連木城石卡須臾刪
狐兔一窟勢不全神兵進搗中心堅便臨蜨穴殲
其元

至尊稠疊催賜緡將軍與士同苦辛一鼓美諾已棄捐
三路分布追其猿靈空雪霰天陰霧長圍靜掩鳥

避驀溝水凍合馬不前短衣猛士手足皸大營伐
鼓聲淵淵令下夜尅甲冑擐鉞鋒在握矢在弦滅
此而食不待晨再接再厲士氣振構空霹靂飛星
九塗染山谷皆紅殷斷壕漂血生渦旋乘機仰奪
據上關借勢下壓摧重樊鹿鋌而走以箭穿狼跋
且虺遭槍攢游魚沸金螢灌川王師浩浩揚沙塵
金戈鐵騎來逡巡暫停宜喜砦未遷猝臨絨布弓
齊彎日旁寨落火怒掀隔河兩隊聲息聞傳烽夾

擊首尾環梟獍邨得逃誅駢兵事有備乃無患
入猶恐孤軍縣遜克爾宗當後門預別伏莽搜荆
榛大海昆色實要津突起危棧尤輕便馳壁疾走
抵賊屯勒烏圍破倏墮魂雍中寺外浮青燐河西
又渡千皮船馬邦傳檄收餘番易如拾芥兵不凡
諸方會合星聚垣長馳席掃指顧間由來巢覆卵
不完豈容孱孽留餘羶降幡欲豎還俄延退以死
守經四旬卓爾瑪來稽首頻牛酪載列蠻漿醇莫

非王民率土濱生全洵荷

皇天仁吁彼困獸難久蹲勢窮無計生投轅二千俘繫羆

羊羣自作逆終喪身紅旗八日馳

帝閣快傳吉語霽

聖顏渠魁已得邊徽安臣桂將畧通經權稟承

方畧成奇勲丹梯紫閣高嶙峋功名圖畫過麒麟將軍

威武垂華紳文相肅穆哉雲冠煌煌贊語輝

天翰明良合繼賡歌傳歲惟二月修

虞巡

橋陵先謁輸精裡瓚卣觚洗鼎豆敦禮成九獻

神來歆東方

泰岱諸嶽尊升中展告情孔殷天風翕習靈旗翻我
皇至德美善臻本與洙泗同心源祗告

闕里崇吉蠲堂下法器鳴匏絃堂上菹味登蘋蘩四
氏瞻拜容恂恂良材一一收枘榘

六飛迴蹕剛朱辰凱歌協奏南風薰黃新莊外郊臺新

綵仗耀日龍蛇紛元戎肅揆

天語溫嘉汝敵愾抒忠勤上公爵賞昭金韉

殊恩特賜紅麒麟

軫念將士踰險艱高岡萬仞旗試舉自我不見今五年

歸來競賦東山篇

九門洞啟翔百官東西鵠立齊鵷班累囚之頸丈組

牽盈朝遍野交騰歡

鴻稱特上

文母欣

宸章敬用蒼珉鐫以承

祖烈裕後昆永韜兵甲銷鋒烟職方圖籍增瑤編我

皇德備徵化淳仁義禮樂為橐籥

武功震疊

文治彬鼓鑄萬彙如洪鈞韓碑柳雅難紀陳小臣矢詩

慚不文願儕擊壤歌

聖君熙熙長戴春臺春

欽定四庫全書

平定兩金川方略

二十

--	--	--	--	--	--	--	--

平定兩金川詩

七言律十六首
謹序

內

閣

侍

讀臣孫永清

皇帝仁聲浹宙義問通寰澤洽翺蠕祥呈鷁鰈前此準
夷底績俘大長以告功洎乎回部傾心彙羣蕃而
納職固已占星候月八荒盡隸

堯襟颿海繩山九域咸歸

舜寓詎有土職金川逆酋者藐焉螳垓石門借作樊籬
蕞爾鴟巢金鑠曾煩組練偶緣革面稍貸餘生方

期妖鳥終馴不勞肆伐縱使涸魚自擲尚予矜全
孰知搏噬之私敢外

生成之德始則完開罅隙觸與蠻爭繼還狡恃婚姻狼
從狽負吐蕃舊部驚攘奪以同仇甲壘諸司望驅
除而籲討兵非得已罪不容誅

皇帝怒協神人寧求版宇是用翦其醜類飭我戎行巨
礮飛聲巴朗拉酋先膽落長矛耀影僧格宗賊早
心寒頓潰蟻封遂囚獍父全收儼拉之境既掃穴

以銷鋒進犁促浸之疆更逐逋而捲甲軍陳兩翼
卒布千屯聚米曾披昔嶺果崎嶇不易遊氛忽煽
降番真反側當鋤幸充國之善謀擬亞夫之持重
獨整軍而出險遂撤壘以屯營於焉載

簡元戎還掄

禁旅寵佩定西之印威壓琯戈奮揚逐北之師勢成
犄角策神機於兩路握勝算於

九重收美諾則未及一旬度谷噶而每聞三克羅博瓦

堅碉岌業直踞孤峯馬爾尼仄徑逶迤全憑一炬
日旁結陣旌摩散谷之雲巴木衝堅箭洒沙尼之
雨既據舍圖枉卡夾河通兩道聲援復平遜克爾
宗後路應中權步伐乘虛擣隙轉經樓盡挾藩籬
拉朽摧枯勒烏圖旋空巢窟鋌同鹿走踰科布曲
以長驅駭以羸奔歷雅瑪朋而進搗虹霓捲處絨
布兵移霹靂轟時獨松軍會先降羽黨既覺亡羣
盡得渠魁益難伏莽計窮乞命力竭迎降僧格桑

早骨碎專車索諾木更心驚破竹千羣就縛一鼓
全收維時

聖天子慶展

珠陵期旋

法駕凱音適至覽八日之飛章

至德丕承宣

兩陵之祝版纘

祖烈而河山永鞏仰

宗功而日月重華大典方昭崇儀載肅慶

軒闡之輯祉珍冊揚徽占

如幄之凝庥玉書賁采從此圖呈益地納禾修禹貢之書

即今頌溢重垓同律協虞巡之典花綦彩鷁波靜

津門雲引

安輿岫高低嶽展儀

闕里早賡在泮之歌

迴蹕神畿怡聽采薇之奏築靈臺而建肅露湛金壘煥

文錦以橐弓春單羽校遂陳俘於

廟

社爰脫劍於

門樓黌宮則琬琰鐫勲文高鏤鼓

紫閣則丹青紀績畫軼凌烟自茲霄翥玉雞圓馴銀

鹿桃闕置牧媿威稜於裒荆遏密之先雪嶺消兵

占砥屬於鑿齒雕題而外

臣班隨

籙禁職在薇垣慚磨盾之未能漫叨珥筆快舞干之

親覲適奉

屬車智竊管窺心殷葵向謹拜手稽首而獻詩曰

天開

神武婉軒虞者定功成仰

睿謨玉塞千屯今井牧金川兩部舊輿圖偷生暫許蛙

居井肆惡寧容虎負嵎掃穴只看憑

一怒永教絕嶂作康衢

荒微曾煩駐六師崇墉因壘受降時經年鼠伏梁

仍據越境狼吞蔓更滋吏議未須張撻伐

皇慈暫許示羈縻由來斧鉞非輕試一檄看綏九土司
么膺十載鬪蝸廬

帝遣休兵作輔車軀又生羆心詎革岨還負縻計真疎
陸梁不凜三章約拒轍當教九伐除赫赫六軍如
雨降羣番翹首正僎予

貌虎材徵十部齊銅金堡側震鳴輦千溪雪壅流
沙淨萬嶺雲沉太白低搗穴盡收量谷馬追奔僅

逸觸藩羝首豪早就長纓縛計日看將促浸犁

峻嶺崎嶇阻斷崖餘氛猶自煽陰霾元戎建壘移
牙纛勁卒齊鑣插箭鞍

申命兩軍分犄角誓教三孽絕根芽一九美諾崇朝復
渠荅還看次第排

幾處危巢抱火然功收七遇更磨鋌一酋肆虐魂
先殛二豎明堯喘尚延天助迴飈摧壁壘人衝積
雪蕩烽烟即看猥負時無幾却獻逃亡當乞憐

分路揚麾絕井堙諸蕃作導齒亡唇冰嘶霧暗圍
方合馬束車懸氣益振早向籬邊防鋌鹿還從釜
底麕窮鱗中秋最好譙樓月獨照瑯旗掃棘榛

勒烏圍已息塵氛第二峯頭進駐軍林際孤猿先
失侶草間脫兔並亡羣元兇束手謀安用羣黨投
轅勢益分尚賴

皇仁寬一線殲渠不遣痛俱焚

四圍危峯劍戟攢更排亭障接河干擒生屢報

王師捷鑿險寧知蜀道難羣帥協謀資上將索倫賈勇
倡材官

天威一日收全部玉壘磨厓紀不刊

不須月滿望刀鏐噶拉依邊盡敵還佩得功牌文
爍爍馳將露布字編欄纍囚白組經千驛歸騎金
鏡振萬山從此蠻荒耕鑿好春風已度古桃關
慶展崇禋德溯

先桃花寺裏捷音傳

橋山弓劍干雲護禹域共球萬國駢吉語恰逢宣祝版槃

歌從擬譜徽弦

兩陵佳氣瞻如許夾道松杉鬱翠烟

問俗陳詩愜

睿情

慈輿親奉歷郵程禮成望秩歸仁壽典重園橋紀太平玉
尺何妨量地軸銀灣恰喜洗天兵笳蕭譜入迎鑾
曲遙迓龍旗入

鳳城

築臺自昔傍林垆建燾重看羽衛停麟印佩來分
五玉鳳毛頒處得雙翎長衢雲擁千官珮

行幄天圍四輔星好記西郊數

湛露勞還時節麥畦青

五年奮伐凱歌回閭闔雲深五鳳開夾道旌旗輝
日月中天簫鼓動風雷功陳

九廟千戈戢宴

賜羣僚劍履陪更是六街傳盛事廿年三度獻俘來

已聞朱鷺叶懽饒受福新占晉二爻

琬冊揚徽登鳳陛

璆函賁采拜螭均月中玉管翻鈞樂天上璫筵潔大庖歸

善共欽

天子孝又傳

恩詔遍芳郊

靈臺偃伯掃天欂菌鶴紉牛格至誠不用披圖橫

玉斧早看置尉闢雲巖琛偕月朏呈金艷技共花
門舞繡衫陬澁有知爭頌詠愧將擊壤佐韶咸

平定兩金川方畧